

Nazimah24\_SP: ~\*~\*~ Surah At Tin/ سورة التين ~\*~\*~

Nazimah24\_SP: Tarteef – 95 Surah

Nazimah24\_SP: Naam – Shuru me hi he .. - Fig/Anjeer ke meaning me

Nazimah24\_SP: 1 Rukoo, 8 Aayah, 34 kalimaat & 105 Huruf

Nazimah24\_SP: Quran padhne waala hamesha Ghani, beniyaaz rehta he ... Nekiya badhti rehti he uski ... agar Duniyawi masaail ki wajah se usse kuch kami peshi ho jaati he to, Allah swt usse Quran ke zariye puri karva dete he !!

Nazimah24\_SP: Mecci Surah , shuru ke daur ki surah .. Insaan ko uske takhleeq ka maksad bataaya gaya ..

Nazimah24\_SP: Insaan ko iss baat ka yaqeen ke vo behtaren makhlooq he .. agar duniya me aane ka maqsad nahi samjhoge to jaanwaro se bhi battar ho jaaoge ..

Nazimah24\_SP: Iss surah me khaas tor pe 3 Jaleel o qadar nabiyo ke jay wilaadat ya unse mansoob jagaaho ki takhleeq ki qasam khaa ke bataaya ke Insaan Allah swt ka ek master piece he ...

Nazimah24\_SP: Allah swt ki zaat ne insaan ko aag ke liye nahi balki Jannat ke liye banaaya tha, ye alag baat he ke insaan shaitaan ki baato me aake kuch aisa kar leta he ke Allah swt apni mashiyatt se (razaa se nahi) aag me daalega ...

Nazimah24\_SP: Aayah 1 to 3

Nazimah24\_SP: Aayah 3 he ... Qasme 4 he ... Badi badi cheezo ki qasme khaai ..!!

Nazimah24\_SP: Aayah 4

Nazimah24\_SP: Jawaab e Qasam !!

Nazimah24\_SP: Insaan Allah swt ki behtareen makhlooq he .. DUniya me Allah swt ne insaan ko apni niyaawat ke liye bheja .. Apne paigham ko waaze karne ke liye bheja !!

Nazimah24\_SP: Aayah 5

Nazimah24\_SP: Budhaapa, aqli pasti -> Kufr, fisq – jo koi bhi aqli bimaari he usse bhi muraad he !!

Nazimah24\_SP: Kya ye sab ke saath hota he ?? – Nahi !!!

Nazimah24\_SP: Aayah 6

Nazimah24\_SP: Inki zindagi iss duniya se dusri duniya me palat jaati he vo bhi nahi khatam hoti .. issi tarah jaise zindagi khatam nahi hoti Ajar khatam nahi hota ..

Nazimah24\_SP: Iss duniya me jitni zaroorat utna ajar yaha mil jaata he, utne fawaaid yaha mill jate he & iske baad fir jitni lambi zindagi waha hone waali he waha inaamat & naimat milegi ..

Nazimah24\_SP: Aayah 7

Nazimah24\_SP: Itna dekhne ke baad .. sab dekhte sunte jaante bujhte jazaa sazaa ke maamle ko jhutlaa sakta he ??

Nazimah24\_SP: Kya koi jhutlaa sakta he ke marne ke baad, Qayamat aane ke baad koi dubaara fir zinda kiya jaaega ??

Nazimah24\_SP: Aayah 8

Nazimah24\_SP: Sab se badi Daleel – Sab haakeemo se badaa hakim ..!!

Nazimah24\_SP: Kya tum ne Allah swt ko be insaaf samjha he k eek amal kar ke duniya se jaaye & ek amal kar ke duniya se jaaye & fir marr ke dono matti ho jaaye ??

Nazimah24\_SP: Nahi .. Allah swt behtareen hakim he .. behtareen tareeke se faisle karne waale he & iss liye marne ke baad insaan ko dubaara zinda karega ke ache kaam karne waalo ko ache badle de & bure kaam karne waalo ko bure badle de ..!!

Nazimah24\_SP: Few Aaya's -> Paigham bahutt badaa he !!!

Nazimah24\_SP: Duniya me khaane peene, aish ke liye nahi balki bahutt bade maqsadd ke liye bheja gaya !!!

Nazimah24\_SP: ~\*~\*~ Detailed Explanation of Surah ~\*~\*~

Nazimah24\_SP: Aayah 1

Nazimah24\_SP: – وَالْتِينَ – Injeer

Nazimah24\_SP: – وَالزَّيْتونَ – Olives

Nazimah24\_SP: – kiss ki qasam he ?? Diff Opinions .. (i) Anjeer/fig jo ham khaate he waaqai uski qasam he .. & وَالزَّيْتونَ – Olive jo sabb khaate he uski qasam he ..!!

Nazimah24\_SP: (ii) – وَالْتِينَ وَالزَّيْتونَ – Vo ilaaqa jaha ye paida hoti he ..

Nazimah24\_SP: Arab logo ki aadat ke jab koi cheez kisi ilaaqe me kasrat se hoti to uske naam de dete ..

Nazimah24\_SP: Aayah 2

Nazimah24\_SP: – وَطُورِ سِينِينَ – Toor-e-Seena wahi pahaad jaha pe Allah swt ne Moosa AS se qalaam kiya ...

Nazimah24\_SP: Isko وَطُورِ سِينِينَ (Toor-e-Sineen) bhi kaha gaya, waadi e Saina bhi kaha gaya & Bukkatim Mubaarakim bhi kaha gaya ... Ye names ham Bani Israaeel me kai jagah padh chuke he !!!

Nazimah24\_SP: Aayah 3

Nazimah24\_SP: – هَذَا – Ism Ishaara

Nazimah24\_SP: – الْمَدِ الْأَمِينِ – Mecca city

Nazimah24\_SP: Mecci Surah = iss Shahar ki qasam ... الْمَدِ الْأَمِينِ Shaher , Amaanat waala ..

Nazimah24\_SP: Hz Ibrahim AS ne dua – Allah swt is ghar ko aman waala kar de ... iska ham aqli namoona bhi dekh sakte he abhi ... & Uss daur me jab mahol chori, qatlo ghaarat ke they, to even baap ka qaatil agar haram ki hadd me aa gaya to usko chod dete they ... Even koi janwar bhi yaha aajata to usko chod dete .. yaha pe ghaas kaatna bhi manaa he ..

Nazimah24\_SP: Allah swt ne iss shaher ko itna aman waala kaha ke saari duniya ke log yaha jama hote he & itne bade rush ki bawajood kisi ko waha aisi mushkil pesh nahi aati jo aani chaahiye ..

Nazimah24\_SP: 3 Aayatein, 4 qasme – kyu he ??

Nazimah24\_SP: 2 khaane ki cheez, 3rd pahaad, 4th shaher – kya ye aise hi he ?? kya koi rabt he in qasmo me ??

Nazimah24\_SP: In 3 aayato me 3 bade nabiyo ki taraf & 3 bade religion ki taraf – Jewism, islaam & cristianity ki taraf Qasam khaai gai ... kaise ??

Nazimah24\_SP: – وَالْتَّيْنِ وَالْزَّيْتُونِ – Esa AS jaha paida hue, waha duniya ke behtareen injeer & zaitoon païda hote they .. -> 1st Qasam hz Esa AS ke naate se he ..

Nazimah24\_SP: وَطُورَ سَبَّينِ – Ye Hz Moosa AS ke naate se he ..!!

Nazimah24\_SP: Hz Moosa AS ko tauraat mili, HZ Esa AS ko Injeel Mili & Nabi SAW ke naate se Quraan ki taraf ishaara he ..

Nazimah24\_SP: Allah swt ne iss waqt duniya me haazir 3 Ilhaami mazhab ke memorial/imp cheezo ki Qasam khaa ke bataa diya .. – Beshak Insaan ko behtareen etedaal se paida kiya !!!

Nazimah24\_SP: Harr insaan diff he .. Jab vo born hota he to Shakal se, aqal se, Qadd qaamat se, zeheni quwwato se, dil se, roohaaniyat se dusre tamaam jaanwaro se diff hota he ..!!

Nazimah24\_SP: Tafseer Qurtubi me – Allah swt ne insaan se zyaada koi chez khoobsurat nahi banaai .. Allah swt ne insaan ko paida kiya, isse Azeem sifaat se muttasif farmaaya & usko dusro se itna khoobsurat kar diya ke Qaainaat ki harr cheez usko serve karti he ..!!!

Nazimah24\_SP: Ek insaan jo itna ahem usko Allah swt ne أَخْسَنَ تَقْوِيمٍ di, Tauheed ki rooh daali .. Allah swt ne insaan ko apne rabb ke saamne jhukaane ki baat kii ..

Nazimah24\_SP: Allah swt ne insaan ko Aag ke liye nahi paida kiya .. balki vo tarqeeb ke etebaar se bhi behtareen ho, maqsad ke aitbaar se bhi behtareen ho, Allah swt ne tumhe apne kaam ke liye bheja he ..

Nazimah24\_SP: Surah Baqaraah – " Khilaafat " ka laft insaan ke saath aana أَخْسَنَ تَقْوِيمٍ ...

Nazimah24\_SP: Duniya me insaan ke sivaa jitni bhi makhlooqaat he ... job hi cattles he unke sir neeche jhuke hue he ..

Nazimah24\_SP: Parinde apne husn me intehaai khoobsurat iske baawajood insaan intehaai tareekhe se aala he ke vo sidha khada ho sakta he, jiss direction me chaahe sir ghuma sakta he .. Sirf insaan aisi makhlooq jo jis tarah chaahe khadi ho sakti he ..!!

Nazimah24\_SP: Insaan ki eyes, body parts be ghor kare .. – Surah Azzariyat – Tumhaari apni zaat me bahutt saari nishaaniya he .. tum dekhte nahi he ..!!

Nazimah24\_SP: Aaj jo scientist & Medical fields ke leader ... Jab muslims ne apne kaam chode to Allah swt ne non muslims ko waha laake bitha diyaa .. !!

Nazimah24\_SP: Apne ander kabhi apne body system me ghor kare ... kaise Allah swt ne balance kiya he .. jo part jaha hone chaahiye they wahi he .. Aetedaal he, Tanzeem he Allah swt ke creation me ..!!

Nazimah24\_SP: Allah swt kehte he ke agar aage badhna he to organized, disciplined banna padega tab hi Allah swt ki madad aayegi ..

Nazimah24\_SP: Allah swt ne insaan ko badi chao se/pyar se paida kiya he !!

Nazimah24\_SP: Allah ne insane ko sirf nafsaani khawaahishaat ke liye nahi banaaya .. khud ko & dusro ko aag se bachaane ke liye paida kiya he ..!!

Nazimah24\_SP: Yaha Muslims ki nahi balki Insaaniyat ki baat he !!

Nazimah24\_SP: Surah Az zaariyat me Allah swt farmaate he – Jinn & Ins ko apni ibaadat ke liye paida kiya, yaha bataaya ke unhe أَخْسَنَ تَقْوِيمٍ paida kiya ..

**Nazimah24\_SP:** Insaan ko kitni izzat di & insaan ne uska kya haal kiya !! Insaan ko itna shahkaar banaaya vo beth sakta he, so sakta he .. sab kuch kar sakta he .. insaan ne uska kya kiya ..!!

**Nazimah24\_SP:** Allah hu Akbar

**Nazimah24\_SP:** Insaan tune apne aap ko kufr & shirk me involve kar ke khud ko rabb se door kar liya ... Sunnat ki jagah biddaat ko lagoo kar ke apne nabi se talluk tod liya ..

**Nazimah24\_SP:** Nekiyo ke ander khud ko involve karne ki bajaaye gunaaho me daal diya ..!!

**Nazimah24\_SP:** Aaj ek taraf gareebi & bebasii he & ek taraf ameeri he – ye kyu hua ?? Hamne fitrat ka Haqq adaa nahi kiya ..!! Creation plan ko nahi samjha ..

**Nazimah24\_SP:** Jiske liye Allah ne hame paida kiya .. duniya se jaane ka waqt aajata he magar hame maqsad samajh nahi aata ..!!

**Nazimah24\_SP:** Ambiya e kiraam ki baato ki unke mukaam ki qasme khaa ke Allah swt bataa dete he ke insaan tum duniya me 4 din ke liye aaye ho .. zyaada din nahi rahoge ..

**Nazimah24\_SP:** Tum sabb se aala ho ..!! farishto se bhi mushkil he insaan banna agar insaan khud ko أَحْسَنْ تَعْوِيمَ ki taraf le ke chale ..

**Nazimah24\_SP:** Jab insaan apne kaam nahi karta to fir Allah swt usse uska haqq chin lete he ..!!

**Nazimah24\_SP:** Waaqiya ... Tafseer Kurtubi .. – Isaa bin Mossa ek shakhs .. Khalifa Abu Jaafar Mansoor ke khaas logo me se they .. apni biwi se bahut muhabbat karte they .. ek din chandni raat me apni biwi se bol uthey ke tum par 3 Talaaq ho agar tum chand se zyaada khoobsurat naa ho to ... aise hi mazaak me keh diya ... kaha agar tum chand se zyaada khoobsurat naa hui to tumhe meri taraf se tallaq he .. ye kehte hi biwi uth ke chali gai ke aapne mujhe tallaq de di .. chahe mazaak me bhi kaha but Tallaq to hao gai .. Subah Khaleefa ko jaake sunaaya ke aisi ghalti ho gai mazaak me .. Pure city ke ulama ko jamaa kiya sab ne ek hi baat kahi ke Tallaq ho gai ..

**Nazimah24\_SP:** Hadees me bhi saabit he ke 3 cheeze even mazaak me kahe to ho jaati he .. Tallaq, Rujoo & Nikaah .. (Mafhoom)

**Nazimah24\_SP:** Sab ulama ne kaha ke tallaq ho gai, but ek aalim khaamosh they .. khalifa ne pucha aap kyu khamosh he .. unhone .. Bismillah padh ke Surah At Teen ki 1st 4 Aayatein tilaawat ki or farmaya .. ke Tallaq nahi hui kyu ki chand se zyaada khobsurat insaan he ..!!

**Nazimah24\_SP:** Allah hu Akbar

**NQSJ\_REPLY\_FQ:** *Subhan Allah*

**Nazimah24\_SP:** Saari makhlooqaat me, even chand se zyaada pyara Allah swt ne insaan ko banaaya & iss tarah fir tallaq nahi hui & ye maamla rafaa dafaa hua ..!!

**Nazimah24\_SP:** Allah ne kaha saari makhukaat se insaan behtar hai ...Allah ne Insaan mein marfat rakhi hai...

**Nazimah24\_SP:** Aayah 5

Nazimah24\_SP: Allah ne insaan ko nekiyon ke liye paida kiya lekin woh shirk karke kufr karke jahannum ke ghadon mein jata hai "أَسْفَلَ سَفِلِينَ" ka matlab hai jahannum mein sabse niche darje pe rehne wala shaksh...

Nazimah24\_SP: Kaun honge sabse niche darje mein ? Quran ke paanchve/chathe pare ke end mein aayaah hai ke Munafiq sabse niche darje mein honge...

Nazimah24\_SP: Baaz kehte hain "أَحَسَنَ تَقْوِيمٍ" se murad hai insaan ki jawani ..lekin waqt ke saath phir "نَمَّ رَدَدَنَهُ أَسْفَلَ سَفِلِينَ" niche chali jaye....har din chehre pe ek nayee jhurri....har din ek safed baal...ghutano mein dard...pairon mein sujan... jab insaan duniya se jata hai to kude ka dher bana hota hai...

Nazimah24\_SP: Insaan ko ehsas dilaya ja raha hai ke tum din ba din kamzor hote ja rahe ho .... Surah Yaseen mein hai ke "Ham tumhari takhleeq ko ulat ke rakh dete hain...tum kal kya the ab kya ban jate ho...to kya tum us Allah ke aage nahi jhukte ?"

Nazimah24\_SP: Yeah zindagi ka pura istemaal kyun nahi karte ....kyun tumhe yakeen nahi ke tumhe aisa hamesha nahi rehna...

Nazimah24\_SP: ~\*~\* Jitna Maut ka & budhaape ka Yaqeen hospitals me jaa ke hota he utna kahi bhi nahi ho sakta ...!! ~\*~\*

Nazimah24\_SP: Ham mein se koi backtrack kar sakta hai ? Agar 30 saal ke hain to 25 saal ke ho sakte hain ?? Saari duniya ki daulat luta de ham piche nahi ja sakte...jaana to aage hai...to phir aage ki taiyariyan kar lo....

Nazimah24\_SP: Aayah 6

Nazimah24\_SP: أَسْفَلَ سَفِلِينَ - ek aur meaning .. -> Imaanwalon ko khushkhabri de di gayee ke Jannat mein jaake phir jawan ho jaoge...

Nazimah24\_SP: "Allah ke nabi ne farmaya koi budha nahi hogा..koi budhiya nahi hogi...maut nahi aayegi...bimari nahi aayegi...taklif nahi aayegi !!!" .. Duniya me acha kaam karoge to Allah swt fir waapis jawaani ko lauta dege !!

Nazimah24\_SP: أَسْفَلَ سَفِلِينَ – Jahannum ke nader imaan waalo ko to nahi daalege !! Allah swt imaan waalo ko zaaya nahi karege ..

Nazimah24\_SP: Jo Allah ne tumhe karne ka kaha woh karo...lekin insaan jab nafs ki perwi mein lagta hai ...khwahishaat ke piche lagta hai to Allah taala ki jaat se muh fer leta hai...phir asoolon ki talimat piche jaati hai aur hewano ki satah pe jeeta hai...

Nazimah24\_SP: woh harqatein karta hai insaan sare aam jo jaanwar bhi nahi karte... Insaan jab neeche girta he to apno ko hi khaane lagta he .. apne jaise insaano ko maarne lagta hai... Wo kaam karne lagte he jo jaanwar bhi nahi karte ..

Nazimah24\_SP: Allah hu Akbar

Nazimah24\_SP: Allah taala kehte hain in cheezon se bahoge to phir "فَلَهُمْ أَخْرُجْ عَبْرَ مَمْتُونَ" kitni khusoorat baat hai yeah ke nakhatm hone wala ajar...

Nazimah24\_SP: Allah imaan ki wajah se nekiyan kiye hue logon ki nekiyon ko is tarah badhayega ke kabhi khatam hi nahi honge...kaise ? Allah taala unko jannat tak pahuncha ke rakhega...

**Nazimah24\_SP:** (i). Pehle maut ke waqt mein "Ya ayyuhatun nafsul mutmainnah" – ey imaan wali rooh chal apne rabb ki taraf... tera rabb tujhe se razi aur tu usse razi...

**Nazimah24\_SP:** (ii) Phir jab kabron se uthenge to "la khaufun alayhi walahum yahzanoon" – koi khauf nahi unpe koi gham nahi...

**Nazimah24\_SP:** (iii). Phir Jannat mein kadam rakhenge to "salaman Qaulam mirrabi Rahim" rabb ki taraf se salam hogा...

**Nazimah24\_SP:** Chand din ki mehnat kar lo.. phir "فَلَهُمْ أَخْرَجُونَ مِمْنُونَ" ..

**Nazimah24\_SP:** Allah hu Akbar

**Nazimah24\_SP:** Imagine kare agar duniya ka duniya me return mill jaata .. eg : 1 KG gosht diya .. Ghar ke baahir Allah swt ne usko badha ke 700 KGs de diya to kya karege ?? .. Allah swt kehte he Duniya me mehnat karo & fir waha jaaka .. فَلَهُمْ أَخْرَجُونَ مِمْنُونَ ..

**Nazimah24\_SP:** Waha tumhaari asal nekiya jaaegi ..tum ne khud ko waha pahucha diya buss fir tum ko waha se zaaya nahi kiya jaaega !!!

**Nazimah24\_SP:** Hadith mein aata hai jannat mein jaane ke baad insaan ko wahan se nikala nahi jayega...

**Nazimah24\_SP:** Saare ajar ke khazane yahan duniya mein store kiye hote aur hamare jaane ka waqt aa jaata...kitna rona aata...

**Nazimah24\_SP:** Momin is duniya mein rehke aakhirat ke liye taiyari karta hai !!!

**Nazimah24\_SP:** Aayah 7

**Nazimah24\_SP:** Koi hai aisa jo itni baatein sunke jo sazaa ke mamle ko na mane...na soche qayamat ke din sab kuch kaise hogा...phir bhi mehnat nahi karna chahta...ke use Allah se ajar ki umeed hi nahi rehti..

**Nazimah24\_SP:** Aayah 8

**Nazimah24\_SP:** Kya Allah swt saare hakim se badaa hakim nahi he ?? Kya Allah zulm karega ?? Duniya me kya koi baadshah ko imagine karege ke vo adal pe naa ho ? insaan usse nafrat karege .. balke usko peeche karne ki koshish karge ..

**Nazimah24\_SP:** Allah ki zaat to behtar in faisle karne wali hai...to kya tum itni badi zaat kisi zulm ki umeed rakhte ho ?

**Nazimah24\_SP:** Zulm 2 tarah se .. (i) Haqq waale ko uska haqq naa dena .. (ii) Jiska haqq nahi banta usko bhi de do ...!!

**Nazimah24\_SP:** Allah taala ke paas do mukhtaleef kism ke giroh hain...aksar surah mein do girohon ki baat aati hai...

**Nazimah24\_SP:** Allah surah Qalam 35 & 36 "kya ham musalamano ko mujarimon jaisa kar denge ? " kya ho gaya hai tumko ?

**Nazimah24\_SP:** Surah Jathiyah 21 "buraiyon ka etekaam karne walon ne yeah samajh rakha hai ke kya ham unhe unlogon ki tarah kar denge jo imaan laake nek amal karte rahe..."

**Nazimah24\_SP:** Duniya ki adaalat me nahi ho sakta ho Allah swt ke paas kaise hogा !!!

**Nazimah24\_SP:** Hazrat abu huraira se rivayat hai Huzoor SAW ne Farmaya "ke tum mein se jab koi surah at-tin padhe to "Alaysallahi beahkamil hakeemin"

**pe pahonch ke kahe... "Bala wa anaa zalika minas shaheedin.." - Kyun nahi  
main gawahi dene walon mein se hoon.... (Mafhoom : - Daeef Rivaayat)"**  
**Nazimah24\_SP: ~\*~\*~ Ghor se, Shaur se .. Tadabbur ke Andaaz se Khud Tilaawat  
Kare .. ~\*~\***